


PROCANCELLARIUS
D. FERDINAND. AVGVST.
H O M M E L
P. P. ET FAC. IVRID. ASSESSÖR
SOLLEMNIA IN AVGVRA LIA
PRAECLARISSIMI CANDIDATI
D O M I N I
HENRICI GOTTLIEB FRANCKE
AD DIEM VI. NON. MAI. CICCCXLVIII
CELEBRANDA
INDICIT

Jus publ. Germ.
466,8

ΕΠΙΦΑΝΙΟΥ ΑΘΩΝΑ
ΕΛΛΟΥΣ ΕΠΙΦΑΝΙΟΥ ΑΘΩΝΑ
ΕΠΙΦΑΝΙΟΥ ΑΘΩΝΑ



comes vel proprie et a comitando dicitur,
vel dignitatis nomen est. Priori in sensu
legitur Comes matronarum *in L. i. §.*
2. et L. 9. D. de iniur. Comes pueri *in*
L. i. §. vlt. D. de extraord. criminibus, et
apud PAVLVM *Lib. V. Sentent. Tit. 4.* Eodem in sensu
etiam dicuntur Comites eorum, qui reipublicae causa ab-
sunt *L. 41. §. i. D. de excusat.* Comites legatorum *L. 32.*
D. ex quibus cauf. mai. Comites legati Caesaris *in L. 4. D.*
de offic. assess. Comites Proconsulis et Legati sui, *L. 6. D. de*
Poen. C. PLIN. *Histor. N. L. IX. Cap. 30. princ.* PLIN. *L.*
VII. Epist. 27. Comites Praesidum *L. 12. §. vlt. D. de Va-*
cacat. et Excusat. Comites Procuratorum Caesaris, *dict. §. vlt.*
L. 12. SENECA. *L. II. Declamat.* PLIN. *L. VI. Epist. 22.* Co-
mites Magistratus, SVETON *in Iulio cap. 42.* Et in uni-
uersum veniunt hoc nomine omnes, qui Proconsules,
Praesides, Procuratores Caesaris, aliosque similes Magi-
stratus, in provincias eentes, comitabantur, vel Senatus,
vel ipsorum Magistratum voluntate et iudicio, publico-

IV

rum negotiorum adiutores, atque ministri, quales erant Quaestores, Legati, Scribae, Accensi, Praecones, Medici, nec non Iurisperiti, prouincialium Magistratum confessores. Comites e contra, qui dignitatem gerunt, appellabantur omnes, qui Iurisdictioni praeverant, seu Magistratus, *cviac. ad Tit. Cod. de offic. Com. S. L.* Postmodum ad eos omnes nomen Comitis porrectum, qui cui negotio praepositi, vel praefecti a Principe essent. *cviac. in Paratitl. ad dict. Tit. Cod. ID. de Feud. L.I. T. 28.* Eorum summa diuisio est in eos, qui in ipso palatio Principis militant in Comitatu eius, seu aula circa latus eius agentes, et alios, qui per prouincias constituti. De comitibus, qui prouincias regunt peculiaris extat titulus in *L. XII. Codicis.* Hi iurisdictioni potissimum, interdum tamen et officiis aliis erant praepositi. Talis fuit Comes orientis in *L. 3. C. de Aduocat. diuers. Iudic. L. 3. C. de Can. Largit. L. 10. C. de Classic.* Comes Africae *L. 13. Cod. Theod. de diuers. offic. L. 51. et 56. Cod. Theod. de Haeret.* Comes Hispaniarum *L. 5. Cod. Theod. de Donat. L. 3. Cod. Theod. de Matern. Bon. L. 1. Cod. Theod. de Accusat. et Inscr.* Comes Macedoniae *L. 2. Cod. Theod. sine censu etc.* Comes Aegypti *L. 1. C. de comit. et trib. scholar. L. 11. Cod. Theod. de Pagan. fac. et Templ. L. 51. Cod. Theod. de Curs. Publ.* Comes Dioecesees Asianaee *L. 1. Cod. Theod. fin. regund.* Comes Illyrici, Tingitaniae, Britanniae, Italiae, Argentoratensis, Litoris Saxonici, Phoenices, Syriae Euphratensis, Arabiae, Thebaidos, Pentapoleos, vtriusque Armeniae, vtriusque Ponti, Scythiae, Mysiae, Daciae, Pannoniae, Pamphyliae, Isauriae, Lycao-

Lycaoniae, Pisidiae etc. Inter prouinciales etiam suo modo referendi videntur Comites transmarinarum prouinciarum, quales dicuntur, qui trans mare militem ducebant, de quibus pluribus agit IAC. GOTHOFREDVS *in comment. ad Cod. Theodos. tit. de Comit. rei milit.* In maiori adhuc honore et dignitate erant constituti Comites, qui in comitatu, seu Principis aula erant, qui amici Principis saepius appellabantur, vt inter alia edocemur lapide vetere apud GRVTERVM pag. MC. 5.

C. SENTIO

SEVERO

QVADRATO

C. V. COS.

AMICO ET

COMIT. AVG. N.

IVLII FRATRES

MAXIMVS ET

VICTOR

Tres eorum ordines fuerunt, alii nempe dicebantur primi, alii secundi loci, alii etiam inferioris. Vid. IAC. GOTHOFRED. *in Comment. ad L. vnic. Cod. Theod. de Comit. et trib. schol.* Variae quoque eorum in Principalibus Constitutionibus, pro administrationum varietate, appellations et species extant. Sic Comes aerarii legitur *in L. i. C. de Quaeſtor. L. 39. D. de Appell.* qui et sacri, et priuati aerarii, item utriusque aerarii alibi appellatur. Comes sacri palatii *in L. vnic. C. de Comit. et Archiatr. sacr. palat.* Co-

A 3

mes

VI

mes Dispositionum *in L. 8.* C. de Proxim. sacr. scrin. Comes Largitionum priuatarum, Comes rerum priuatarum *in L. 3.* D. de Bon. Vacant. *in Rubr. tit. Cod. Theod.* de Quaeſtor. Comes largitionum Italicarum *in Conſtit. de Nou. Cod. Confirm. §. 1. L. 1.* C. de Quaeſtor. Comes sacrarum Remunerationum *in L. 41.* D. de Appellat. Comes stabuli sacri *in L. vnic. cod. Theod. de Comitib. et Trib. Scholar.* Comes Archiatrorum *in L. vnic. Cod. Theod. Qui a praebit. tyron.* Comes domorum Principis *in L. vlt. C. vbi Caus. Fiscal.* Comes Domesticorum *in L. 6.* C. de Aduoc. Diuers. Iudic. Comes Horreorum *in L. vlt. C. de Pistor.* Comes Protectorum *in L. 10.* C. de Metat. Comes sacrae Vestis *in L. vnic. Cod. Theod. Qui a praebit. tyron.* Comes Militum *in L. 1.* C. de offic. Vicar. Comes Equitum et Peditum *in L. 8.* D. de Re Milit. Comes Scholarum *in L. 3.* C. de offic. Magistri offic. qui diuinis epulis adhiberi dicitur *in L. vnic. Cod. Theod. de Comit. et Trib. Schol.* Comes Commerciorum *in L. 2.* C. Quae res vendi non poss. L. vlt. C. de de Commerc. Comes Metallorum *in inscriptione Legis 1.* C. de Metallariis, Comes Thesaurorum *in L. fin. C. de dign. Ordin. sacr. L. 2.* C. de Palatin. sacr. Largit. Comes Excubitorum apud zonar. Ann. *in Iustin.* Comes filiquatariorum apud CASSIOD. L. 2. Comes Foederatorum apud zonar. Tom. 3. Annal. *in Tiberium,* Comes Auri, Riparum, Aluei, Portuum Tiberis, Paphiorum, Ginaeceorum, Linificio- rum, Bastagarum, Discussionum. Praeprimis vero com- memorari hic merentur Comites Consistoriani, quorum
mentio

mentio occurrit in *Tit.* *Cod. Theod.* et *Repetit. Praelect.*
de Comitibus Consistorianis L. vlt. *Cod. Theod. de Honor. Codicill.* *L.* vnic. *Cod. Theod.* qui a *Praebit. tyron.* *L. 15. 18. Cod. Theod. de Extraord. Muner.* *L.* vnic. *Cod. Theod.* qui *Cond. Rei Priuat. Nou. Valent. III inter Theodosianas de Tyron.* *41. L. 3.*
 qui et Comites Consistorii Principis appellantur in *L. 1. Cod. Theod. de Palatin. Sacr. Priuat.* item Comites Sacri Consistorii in *Constitutione de Nou.* *Cod. fac. §. 1.* et in *L. 4. C. de Aduocat. Diuers. Iudic.* Hi inter Comites primi ordinis referuntur, vti ex **CASSIODORO** colligitur *L. VI. Variar.* nec non ex *Inscriptione apud GRVTERVM pag. CCCCXXXVIII. inscript. I. HONORIO. MEMMIO. VITRASIO. ORFITO.*
V. C. NOBILITATE. ACTIBVSQVE. AD. EXEMPLVM. PRAECIPVO. PRAEFFECTO. VRBI. PROCONSULI AFRICAE. AC TERTIO SACRARVM COGNITIONVM. IUDICI. COMITI IN CONSISTORIO. ORDINIS. PRIMI. etc. vt et alia apud eund. *pag. CCCCLXV. 8. SATVRNINO. SECUNDO V. C. PRAESIDI PROVINCIAE AQVITANICAE. MAGISTRO MEMORIAE COMITI. ORDINIS PRIMI PROCONSULI AFRICAE, ITEM COMITI ORDINIS PRIMI INTRA CONSISTORIVM* etc. et participare dicuntur Augusti pectoris curas in *L. 3. Cod. Theod. de Metal.* item admitti intra Consistorii arcana, et actibus interesse, et Principis audire responsa in *L. vlt. in fin. Cod. Theod. de Honor. Codicill.* Ex his alii vocantur Illustres, de quibus in *L. 1. 4. Cod. Theod. de Palatin. Sacr. Largit. et Rer. Priuat.* *L. 3. Cod. Theod. de Metat.* *L. vlt.*

Cod.

VIII

Cod. Theod. de Sicc. alii spectabiles in L. vnic. Cod. Theod. de Comit. Consistor. alii horum Comitum etiam absentes erant, et testimonialibus solum hanc dignitatem adipiscerantur. Egregie haec omnia, potissimum differentiam inter Consistorianos, Illustres, et Spectabiles explicat formula Comitiuae Consistorianae, quam exhibet CASSIODORVS L. VI.
Var. Epist. 12. spectabilitas clara, et Consistorio nostro dignissima, quae inter Inlustres ingreditur, inter Proceres aduocatur: otiosi cinguli honore praecincta dignitas, quae nullum nouit offendere, nullum cognoscitur ingrauare, et super omnia bona concitare nescit inuidiam. Quocirca prouocati moribus tuis Comitiuam tibi primi ordinis largimur ut consistorium nostrum sicut rogatus ingrederis, ita moribus laudatus exornes: quando vicinus honor est Illustribus, dum alter medius non habetur, Delectat te imitari, quos proximitate contingis, - - - Te sequuntur omnes, qui spectabilitatis honore decorantur. Interim quamuis maxima Comitum Consistorianorum fuerit dignitas, et singularis ipsis tributus honor, eos tamen non sedisse, sed, sedente Imperatore stetisse in Consistorio, adparet ex AMBROSII Epist. 133. Lib. V. Vbi sedit in Consistorio, ingressus sum: Assurrexit, ut osculum daret: Ego inter consistorianos steti, nec non ex L. 5. Cod. Theod. de Fide testium verb. Pars actorum habitorum apud Imperatorem Julianum Augustum, Mamertino, et Neuitta Coss. X. Kal. April. Constantinopolis in Consistorio, adstante Iouio, Viro Clarissimo, Quaestore Anatolio, Magistro officiorum, Felice Comite S. L. etc. Multo magis igitur partes ipsae, et aduocati stabant in Consistorio

L. 2.

L. 2. C. de Excusat. Muner. Verb. Pars actorum Diocletiani et Maximiani AA. et C. C. inductis Firmio et Apollinario, et caeteris Principalibus Antiochenis adstantibus Sabinus dixit etc. Non desunt tamen exempla alia, vbi Consistoriani Principi assidere dicuntur v. c. apud cit. AMBROSIUM alio loco scil. Epistola 27. Lib. V. nec non apud VOPISCVM in Aureliano cap. 13. ibi: Assidentibus Memnio Fusco Consule ordinario, et Bebio Macro Praefecto Praetorii, et apud AMM. MARCELLINUM L. 22. c. 9. Mandauitque assidenti Praefecto, ne audiretur eorum negotium, antequam etc. it. apud PROCOPIVM L. 1. Persicor. cap. 24. et Lib. 1. Gothicor. cap. 14. Forsitan igitur, pro diuersa Consistorianorum dignitate alias, scilicet Illustres, qui etiam primi ordinis dicuntur, sedisse, alias, vt spectabiles, adstetisse Principi, non inepte dixeris. Erat autem Consistorium intimum Imperatoris, quod Suidas θεῖον συνέδριον vocat, in quo legatos, et quoscumque se adeuntes admittit, et audit, praeprimis autem Imperator de causis, et controversiis partium litigantium cognoscit, inquirentibus in negotium, et dispicientibus Consistorianis, vt AMMIANVS MARCELLINVS ait Lib. XV. In genere quoque locus, in quo iudices, iuris dicendi causa consistunt, Consistorium solet appellari. Non alias autem, quam Principis Quaestorem, Magistrum officiorum, et Comitem Sacrarum Largitionum, praeter Imperatorem, Consistorio interfuisse, ex supra exhibita Lege 5. Cod. Theod. de Fide Testium, nonnulli coniiciunt, Verum, praeter memoratas, etiam alias dignitates, in numero Consistoriano-

B

rum

X

rum procul dubio fuerunt, sicut intelligimus non solum ex voce etc. quae in dicta lege adiecta reperitur, sed etiam ex Vopisci loco, superius excitato, Comites certe Rerum Priuatarum e Comitum Confistorianorum numero fuisse, omni caret dubio. Varia praeterea Confistorianis Comitibus tributa sunt priuilegia, quo pertinet, quod aequentur Proconsularibus i. e. Proconsulatu functis *in L. vnic. Cod. Theodos. de Comitib. Confistor.* non vero Proconsulibus, ut perperam legitur in *L. 1. Cod. Repet. Praelect. cit. Tit.* quod conductores rei priuatae fideiuissores dare non cogarentur. *L. vnic. Cod. Theod. Qui conduct. rei priuat. quod immunes essent a sordidis muneribus L. 12. C. de Excusat. Muner. L. 15. et 18. Cod. Theodos. de extraord. siue sordidis Muner. a praebitione tyronum et equorum L. vnic. Cod. Theod. Qui a Praebit. tyron. a Praeturae onere L. 28. Cod. Theod. de Praetorib. a metatis L. 3. Cod. Theod. de Metatis et alia beneficia plura, recensita in *L. 2. C. de Comitib. Confistor.* quae non tantum ipsis Comitibus Confistorianis tributa, sed etiam eorum vxoribus, liberis, colonis et seruis communicata, ab Anastasio Imperatore in *cit L. 2.* dicuntur. Ex quo in vniuersum concludunt Doctores, priuilegia data certis personis, in specie Scholaribus, eorum quoque famulis, et toti familiae competere. CHRISTIN. *Decis. n. 14. n. 12.* priuilegia Magistratibus data, etiam ad subditos extendi, ENENCK. *de Priuil. Iur. Civil. L. 2. c. 4. n. 105.* priuilegium concessum hospitali, communicari quoque oeconomo. GAIL. *L. II. Obseru. 67. n. 6.* priuilegium datum habili, competere*

petere etiam inhabili ob communionem, HIPPOL. *Marsil.*
sing. 180. priuilegia ciuitati, vel familiae concessa, extendi
etiam ad Villas et Castra. NICONITIVS in *repet. rubr.* D.
soluto Matrimon. n. 118. etc. Atque haec dicta a me sunt,
occasione L. i. Cod. de Comit. Confistor. quam proximo
die Mercurii, hora II. Pomerid. lectione, vt vocant, Cur-
foria explicaturus est *Praeclarissimus Dominus Candidatus*
noster, de cuius prosapia, et vita laudabiliter haetenus
acta, quaedam adhuc vt addamus, instituti exigit ratio. Na-
tus is est IV. Id Sextil. Anni huius seculi quinti *Teichwizii*,
prope *Weidam*, in terra Aduocatorum. Pater ipsi fuit B.
M. Daniel FRANCKE, *Teichwizenensis*, *Wittendorffensis*, et
Oelsensis Pastor, auus *Ioannes FRANCKE*, Ecclesiarum *Wei-*
dae vicinarumque Pastor primarius, et Superintendentis,
proauus, *Bartholomaeus FRANCKE*, in *Marckersdoff* verbi
diuini praeco, abauus *Bartholomaeus FRANCKE*, florentis
adhuc *Weidae* Praetor. Matrem habuit B. *Mariam So-*
phiam, filiam *Henrici Philippi ALBERTI*, causarum Pa-
tronis, et Iustitiae Directoris, in Praefectura, tunc Ducali,
nunc Regio-Electoralis Saxonica *Mildenfurtenisi*, nec non
ciuitatis *Weidensis* Praetoris, neptem IO. ALBERTI Pasto-
ris *Rückersdorffensis*. Prima Christianae Religionis pariter,
ac literarum, linguaeque in primis Latinae, fundamenta in-
stillavit ipsi W. C. WINTRUFFIVS, *Teichwizii* iam verbi
diuini Minister fidelissimus, affinis eius carissimus. Ma-
tre vero, in primis pueritiae annis, fato functa, Frater
ipsius germanus, ac vnicus, B. IOANNES GOTT.

XII

LIEB ALBERTI, I^Ctus, Serenissimorum Ducum *Saxo-Vinariensium* Consiliarius Aulae, nec non Camerae praecipuus, ac quondam per tempus ad visitandum Iudicium Camerae Imperialis ablegatus, in domum atque ad mensam recepit, ac cum filio, tunc vnico, in ipso aetatis flore postea rebus humanis exemto, priuatis Praeceptoribus, SCHADAEO, M. KVHNIO, CLARIO, ERHARDIO que erudiendum tradidit, et praeter litteras humaniores, doctrinae in primis ciuilis, historiarum, ac publici denique iuris principia, summa cum cura, inculcari curauit, ac ita se in omnibus gessit, vt in eo alterum parentem haberet, qui innumeris eum cumulauit beneficiis, quibus plura addidisset procul dubio, nisi magna cum fortunae Domini Candidati iactura, fatis concessisset. Interim et pro exhibitis ipsi beneficiis, per omnem aetatem, gratum se profitet, et obstrictissimum. Caeterum modo laudata illa studia, quibus, a tenera iam aetate, tam sollicite imbutus fuit, tantum in eo sui excitarunt amorem, vt et illa semper, atque in hunc vsque diem, prae reliquis assidue coluerit. Postquam dein Lipsiam accessit anno C^II^ICCXXIV. Magnifico BOERNERO, tunc temporis fasces Academiae tenente, ciuibus academicis adscriptus. Qua in alma Matre primum Lectionibus philosophicis *Celeb.* B. RIDIGERI, per integrum biennium, interfuit. Historiam litterariam, et ecclesiasticam recentiorem KAPPIVS; Antiquitates Iuris Romani, nec non rem numariam CONRADI, iam in *academia Iulia* primarius Iuris Antecessor; Saxoniae historiam

B. FRAN-

XIII

B. FRANCKENSTEIN tradiderunt. Iurisprudentiae campum ingressus, in Iure quidem publico, ac Historia S. R. I. MASCOVIVM docentem audiuit, cuius singularem humanitatem ac fauorem grata agnoscit mente. In iure vero Naturali, Feudali, Canonico, Ciuali Romano, modo in foro causas orandi, ipsaque Iuris historia, scholas frequen- tavit B. GRIBNERI, RIVINI, BAVERI, GEBAVERI, iam Goettingensi in *Academia* primarii Antecessoris, itemque B. KAESTNERI, ac PETERMANNI. Quos inter potissimum B. GRIBNERI singularem in se affectum, benignitatem, ac merita summa, gratissimo animo recolit. Sicuti et egregia patrocinii documenta, quibus ILLVSTRIS RECHENBERGIVS ipsum hucusque cumulauit, grata mente agnoscit. Primam in Philosophia lauream ab Incluto Philosophorum Ordine, sub finem anni CICCI CCXXVI. ac insequente anno statim summos in hac Facultate honores obtinuit, adiutus in primis B. I. B. MENCKENII, tunc Pro-Cancellarii, simulque Decani singulari benignitate, cuius quidem grata semper apud eum constabit memoria. Anno CICCI CCXXXI. laudatus Inclutus Philosophorum Ordo Collegii sui Rubri curam ipsi commisit, ac insequente Facultatis suaे Actuarium elegit. Eodem tempore, beneficio B. GRIBNERI, Ordo ICtorum, Examine consueto peracto, in Candidatorum iuris numerum eum retulit, potestatemque, scholas aperiendi iuridicas, tribuit. Postmodum, elaborato, et adprobato clementissime praescripto specimine, Perillustre Regimen Regio-Electorale Saxon-

B 3

cum

XIV

cum collationem Notariatus a Comite Palatino, et Consiliario Schwarzburgico, C. P. IANO, ante aliquot annos factam, confirmauit, demum ab Amplissimo huius Vrbis Senatu impetrauit, vt suorum quoque Notariorum matriculae infereretur. Denique A. c i c i c c x x v i i . causas in foro orandi facultas clementissime ipsi fuit concessa. Scripta, quae de eximia eius eruditione testantur, edidit sequentia: 1) *Epistolam, de Seruis poenae apud Romanos usitatis,* 2) *Dissertationem, de Iurisprudentia veterum Germanorum,* 3) *Epistolam, de Quaestione, an aliqua inter Ecclesiam et Rempublicam intercedat differentia?* 4) *Epistolam, de Grauaminibus Nationis Germanicae Norimbergensibus, aduersus curiam Romanam, ab erroribus scriptorum vulgaribus libertatis,* 5) *Historiam fatorum doctrinae de finibus S. R. Germanici Imp. acc. cum triplice indice,* GVNDLINGII Diff. de *Iure Imperatoris, et Imperii in Magnum Etruriae Ducatum,* 6) *Verbesserte Genealogische Fragen, nebst einer Einleitung, zur Genealogischen Wissenschaft* ao. 1733. Cuius libelli iteratae, ac semper nonnullis capitibus, notis etc. auctiores prodierunt Editiones 1735. cui de novo accessit *Abriss einer Genealogischen Bibliothec,* 1738. 1739. et 1742. 7) *Triscamerarium S. R. I. e diplomatibus restitutum,* 8) *Abhandlung von allen ehmahligen Berathschlagungen, und Bemühungen, das Müntz-Wesen, im Heil. Roem. Reiche wohl einzurichten, und einen allgemeinen Reichs-Müntz-Fuss ausfindig zu machen,* acc. Praefationis instar, vna cum Indice, Ioh. Wilb. von GOEBEL *Abhandlungen aus den Staats-Rech-*
te,

te, und den Geschichten, 9) Collectionem scriptorum de Fatis, Methodo, Fine, et Obiecto Iuris Publici S. R. I. cum Notitia vberiori variorum Iuris publici Systematum. 10) Disquisitionem de Poenis inferarum fures, et uniuersi adparatus venatorii, per veterum Germanorum Leges, statutis, acc. Ioh. Wilb. de GOEBEL Diff. de Iure venandi, 11) Notitiam subsidiorum Iuris Publici maxime litterariam acc. Phil. Reinhard. VITRIARII Diff. de Adminiculis Iuris Publ. Rom. Germ. 12) Meditationem de Assentatione necessaria, vt et Notitia Domaniorum maxime litteraria, acc. cum Indice Aug. a LEYSER Meditationibus de Assentationibus ICtorum, et doctrina de Domamis. 13) Recensionem scriptorum de S. R. I. territoriis, eorum speciebus, acquisitione, incorporatione, condominio, superioritate, et iurisdictione territoriali, nec non servitutibus Iuris Publici, acc. vna cum Praefatione variis generis obseruationum, Dissertationibus Mich. Henr. GRIBNERI et Burc. Gott. STRV VII de Dominio directo in alieno territorio 14) Gedanken von den bisherigen Bemühungen verschiedener Gelehrten ein neues Erz - Amt des Heil. Roem. Reichs ausfändig zu machen. Quae quidem cogitationes deprehenduntur in Franckfurtischen gelehrten Zeitungen A. 1743. No. XCII. XCIV. XCVIII. XCIX. CV. nec non An. 1744. N. LXXII. et LXXIV 15) Ihrer Roem. Kayserl. Mai. Francisci Wahl-Capitulation, sammt einer Vorrede von denen verschiedenen Benennungen, Vbrprung, Schicksaalen, Scriptoribus, vnd Commentatoribus der Kayserl. Wahl-Capitulation. Iam ab AVGUSTISSIMO POLONIA RVM
REGE,

XVI

REGE, ET ELECTORE SAXONIAE,
Ius publicum publice, in Academia nostra, extra ordi-
nem docendi, prouincia ipsi gratosissime fuit deman-
data, quapropter nostram Facultatem adiit, et vt titu-
lus, nec non iura, et priuilegia vtriusque iuris Doctoris
ipsi conferrentur, desiderauit. Decreuit itaque Ordo
petitos honores, quos dudum fuerat promeritus. Vt
autem id, quod destinatum ipsi, plené feliciterque ad-
ipiscatur, dies VI. Non. mensis instantis electus est, quo
ipso *Vir summe Reuerendus et Excellentissimus, Domi-*
nus Fridericus Alexander KÜHNHOLDVS, Capituli Num-
burgensis Canonicus, Pandectarum P. P. et Facultatis Iuridi-
cae Assessor, collega honoratissimus, summos in utroque
iure honores, et priuilegia Doctorum, defensa prius sine
Praeside disputatione inaugurali, *de Nexu foederum per-*
petuae unionis, inter augustam Domum Austriacam, Polo-
niaeque regnum Viro Eruditissimo tribuet. Cui Panegyri
vt Vos, **RECTOR ACADEMIAE MAGNIFI-**
CE, COMITES ILLVSTRISSIMI, PROCE-
RES VTRIVSQVE REIPUBLICAE GRAVIS-
SIMI, CIVES DENIQVE GENEROSISSMI,
ET NOBILISSIMI, interesse, praesentes nobis, et
Praeclarissimo Candidato fauere, actumque hunc sollemnio-
rem splendidiorumque reddere velitis, enixissime offi-
ciosissimeque rogamus. Dab. Lips. Die Dominica Mis-
ericordias. Anno **CICCCXLVIII.**

EX OFFICINA LANGENHEMIANA.